

Broj: 01/1-05-02-415/11  
Sarajevo, 11.10.2011. godine

## **POZIV ZA SASTANAK OPĆINAMA KANTONA SARAJEVO**

**PREDMET: Propisi koji su na Dnevnom redu 8. radne Skupštine Kantona Sarajevo  
koja će se održati 20.10.2011. godine.**

Na Dnevnom redu 8. radne Skupštine Kantona Sarajevo, između ostalog će se razmatrati i :

1. Prijedlog Zakona o koncesijama
2. Prijedlog Zakona o javno-privatnom partnerstvu
3. Nacrt Zakona o održavanju čistoće i upravljanju komunalnim otpadom.

Za jedinice lokalne samouprave –općine je posebno interesantan Zakon o koncesijama, jer je u Prijedlogu, naravno i Zakon o održavanju čistoće i upravljanju komunalnim otpadom, ali je on u Nacrtu pa ima vremena za razmatranje u toku 60 dana javne rasprave.

**U Zakonu o koncesijama treba obratiti pažnju na slijedeće:**

- Član 3. u kojem stoji da se „ mogu dodjeljivati koncesije u Kantonu i stimulisanje ulaganja domaćeg i stranog kapitala u oblastima utvrđenim ovim Zakonom“. Postavlja se pitanje da li riječ „mogu“ znači da se koncesije ne moraju dodjeljivati, nego mogu, kada je u pitanju „predmet koncesije“ iz člana 6. Zakona.
- Član 5. u kojem stoji da „Davalac koncesije (koncesor) je Kanton Sarajevo – Vlada Kantona Sarajevo...“Prema tekstu ovog člana davalac je Vlada Kantona, dok općina na čijem se području odvijaju koncesioni poslovi, pa i za koncesije male vrijednosti i značaja nema općine kao davaoca koncesije.

**U Zakonu o koncesijama Republike Hrvatske u članu 3. kao davaoci koncesija se pojavljuju i:**

- b) nadležna tijela jedinice lokalne i područne (regionalne) samouprave, u ime jedinica lokalne i područne (regionalne) samouprave, te
- c) pravne osobe posebnim propisima ovlaštene za davanje koncesija.
- Član 6. koji regulira „predmet koncesije) se nalaze :
  - „1.objekti saobraćaja u mirovanju (javne podzemne i/ili podzemne garaže, parkirališta), „ za što su općine posebno zainteresovane, upravo na području Kantona.
  - „6.kantonalni i općinski prevoz lica“- zašto u općinskom prevozu općine ne bi bile davaoci koncesija.

- „9.korištenje građevinskog zemljišta u oblasti niskogradnje“, gdje se postavlja pitanje u ovom slučaju primjene Zakona o građevinskom zemljištu FBiH i Zakona o zemljišnim knjigama FBiH.
- „23.sve druge djelatnosti pogodne za dodjelu koncesije“ što je opet u nadležnosti Kantona.
- Član 20. „samoinicijativna ponuda“ u stavu 2. za koju saglasnost daje Općinsko vijeće.
- Član 24. stav 6. „Naknada za koncesiju“ u kojem je predviđena raspodjela naknade za koncesije, 40% općina, a 60% Kanton, dok je u Nacrtu Federalnog Zakona bilo predloženo za općinu 60%.

Također, preovladava mišljenje da sa donošenjem Kantonalnog Zakona treba sačekati do donošenja Federalnog, koji predviđa i šest mjeseci usklađivanje kantonalnih zakona sa Federalnim.

Ovo su samo neka zapažanja na Prijedlog Zakona, a imajući u vidu koju važnost ima za općine, predlažem da se održi zajednički sastanak predstavnika općinskih službi, na kojem bi se razmatrao ovaj problem i eventualno pripremili amandmani na Prijedlog Zakona za 8. Sjednicu Skupštine koja će se održati 20.10.2011. godine, na kojoj svaki poslanik može podnijeti amandman do zaključenja pretresa.

Istovremeno bi bilo potrebno razmotriti i odredbe Prijedloga Zakona o javno – privatnom partnerstvu, jer je vezan i za koncesije.

Stoga se mole predstavnici općina koji su se bavili ovim Prijedlogom da pripreme mišljenje i eventualne primjedbe za amandmane.

**Sastanak će se održati u ponedjeljak 17. oktobra 2011. godine u zgradi Općine Stari Grad Sarajevo sa početkom u 10,00 sati, sala 109, objekat "B" – I sprat.**

Kontakt osoba : Senida Šabić - Fočo  
Telefon : 033/282-400

ili na mail :

**E mail:mehmedalija.huremovic@starigrad.ba**

Potrebno je da se učesnici (do dva učesnika iz općine) prijave do 15.10.2011. godine do 12,00 sati .

S poštovanjem,

NAČELNIK OPĆINE  
mr.Ibrahim Hadžibajrić, s.r